

الرشاد

س ۶ ۱ ۳۰ ۳ ۱۳

والله يهدي من يشاء الى صراط مستقيم ديني ، علمي ، ادبي ، سياسي هفتلق مجموعة اسلاميدر
اتبعون اهدكم سبيل الرشاد
صاحب ومدير مسئول : ح : اشرف اديب

و یروب بونلرک یرینه مکمل بر مدرسه یامق مقصدینه مبنی اولملیکه اوقاف نظارتی طرفندن بوکهنه مدرسه لک جمله بی اولچولوب فیئات تقدیر اولندی ، بناء علیه صائق احتمالی واردر . فقط اوتهدنبری بزده بر اعتقاد وارکه وقف یری نه صاتیلیر ونه ده آذیر ؛ وقف لری صاتون الانلر هرجهتدن ضرر کورور . شمعی سزدن صوریورز : بو مدرسه لر صاتیلیرسه آلق جائز می ، دکلی ؟
(امضالر محفوظدر)

سبیل الرشاد

برنجی نسخه ده کی پروغرا مزده بیان اولندی و جهله مسئله بی اولانظار علمایه عرض ایدیورز . امید ایدرز که علمای کرامز جوانی تحری و بیانده حکیمزلر .

فلسفه

وحدت وجود

۲۰

امتدادده ، زمان و مکانه دائر سویانن سوزلرده شو صورتله خلاصه ایدیله بیلیر : امتداد بعد مجردک بر جزؤ محدود و معیندر (فقط بو تعریف قدماک حرکتی ؛ بر جسمک بر محلدن محل دیگره انتقالیدر دیه تعریف ایتلیریک عیندر) امتداد و بعد مجرد مسئله لری فلاسفه بیننده بر چوق مناقشاتی موجب اولمشدر . امتداد فکری اشیای عیدده نک عین زمانده موجودیتلرینی ادرا کمزک نتیجه سیدر . بوفکرک حصولنی موجب اولان حسلرده باصره و لامسه حسلیدر . فکر امتداد ساحه ادرا کزه بویکی قیودن کیرر . ذهن مزده کی امتداد فکری دائماً فکر اجسام ایله مترافق اولدیغندن نه زمان بر جسم تصویر ایدرک اولور ایسه ک انکله همه حال برده امتداد تصور ایتکلاک ک ضروریدر ، بزم ایچون امتداد سنر جسم تصوری غیر ممکن اولدینی کی جسم سنر امتداد تصوری ده غیر ممکندر . ایشه بوندن طولانیدر که قدما حکما امتدادی اجسامک اعراض اولیه سندن بری اولق اوزره قبول ایتشلر ایدی . یوقاریده سویلندیکی و جهله « ده قارت » ده ایلری به کیده رک امتداد ایچون ماده نک خاصه اساسیه سی ، جوهری دیمشدر .

« لاینیج » « ده قارت » ک ماده ایله امتدادده شی واحد نظریله باقیسنه اعتراض ایله : امتداد ، حادثاتک تکرر و تکثر لریله « وجود معی » لردن بشقه برشی دکلدر . محل حادثات اولق اوزره بر جوهرک وجودی لابددر . اکر او جوهرک وجودی حادثانن مقدم دلمسه همه حال حادثات ایله متحد الزمان اولق اقتضا ایدر دیمشدر .

امتداد ، اجسامدن مجرد اوله رق تصور ایدیلرک اولورسه اجسام کی مطلقا محدود اوله رق تصور ایدیلر . بزم امتدادی عالم طبیعتده موجود اولان کافه اجسام کی متزاید ، متناقض و الی غیر النهایه قابل تقسیم اولق اوزره تصور ایدرر .

اوله رق عرض احترام ایشلردر . ذاتاً عرب بانده فیتیسی ایدیلر : قبیله جه ، یاخود قبیله جه دکله بر شخصک کندی فکر نه بر طاعده ، براواده ، بر قیاده ، خلاصه نصل ایسه بر شیده بر غرات بولندیغنی دوشونمک او شینک محترم طوتیلیمی ، حتی معبود طانیلمسی ایچون کفایت ایدیوردی .

فی الحقیقه اوزمانلر مکه وادیسی یشیلکالر ، آغاجلقلر ایله مستور ، اورته یرنده شیمدی کعبه نک بولندیغنی موقعده قیرمز می قومی بر تبه جک موجود ایدی . کونشک ازلدن بری متادیا آقتمده بولندیغنی ضیای شدید و حرارت محرقه نک تأثیریه اثر حیات بولنمیان اولو طاش طاغلی آراسنده طولاشان و هنوز کندیلرینی و عالم خارجی حقیله طانییه میان عربلرک فکر ابتدائیلری او موقع مستثناک لطافت و ممتازیتنه قارش می متحیر و محبوب قاله بیلردی . قلبلرنده حاصل اولان شو تحیر و مجلوبیتده آنلری کندیلر نه تعظیم و احترام عد اولنان افعال و حرکاتک اظهار و اجراسنه سوق ایتکده کوچک چکمزدی . دیمک اولیور که عربلرک او بقعه مبارکه تعظیم و احترام ایتهلری اوراده بر بنای مقدسک بولنسنه توقف ایتیه نور . ال ویرکه فیتیسی بر قومک ذهنلرینی غیقلایه حق ، فکر لری تهیج ایدرک آرز چوق غرات آمیز بر شی بولنسون .

مع مافیه فکر بشرک بوکون دین مبین اسلامک تعلیم ایتدیکی توحید حقیقی به ایریشنجهیه قدر کندنندن ماعدا هر شینک معبود طانیلمسی دوره سندن باشایه رق تجربه لک تلا حقیله اذهانه کن کشایش نسبتده بلکه بوکونه نظراً شرک عد اولنه بیلرک یوزلرجه صفحه لر کیرمش اولدینی تخمین ایدیلور . بونحنینه بر شمه حقیقت بولنورسه عربلرک او بقعه مبارکه قارش ایتدکاری تعظیم و احتراملر حضرت خلیلک وحی الهیه مستند اوله رق اجرا و تعلیم ایتدیکی طرز جه نظراً سلسله نک ، سلسله ترقی و تکاملک ایلک خالق لری اولق احتمالی بولندیغنی ذهنلره تبادر ایدر بیلر . . .

حایم ثابت

سبیل الرشاد مجله اسلامیة سنه

سبیل الرشاد جریده اسلامیة سنک پروغرای میاننده فتاوا دنده بحث اولنه جنی سویلنیوردی . شبهه یوقدر که سبیل الرشاد ایچون بو جهتی نظر دقتدن دور طوئماق پک موافق ایدی . چوکه ملت اسلامیة نک بو بحثه نقدر احتیاجی اولدینی وارسته ایضا احدر . بز پروغرای کوردیکمز ایچون بروج آقی سؤالزه جواب و براسنی اهمیتله رجا ایلر :

سؤال :

قضامن بولنان اوده شده و قبیله اوتوز بش قدر مدرسه یایلمش و بروقلر اوده مش حقیقه مقرر علما اطلاقنه شایسته اولمشدر . بوکون ایسه بومدرسه لک قسم کلیسی کهنه ، ویران بر حالده بولندیغنی ایچون قابل سکنا دکلدر . حتی یاز کلدیکی کی بعضلرینه توتون سریلور ، دیگر بعضلرینه ده حیوانلر باغلانیور . بو حال اسف اشمله بر نهایت

بعد مجرد غیر متناهی در، دیک بر جسمی یا خود اجسامدن متشکل بر هیئت مجموعی نه قدر بیوک اولمق اوزره تصور ایدرسهک انلری تصور ایتدیگمز او بیوکلیکن دها بیوک اولهرق تصور ایتکلگمز ممکندر دیکدر . شو حاله نظراً بعد مجرد غیر متناهی اولمق اوزره تصور ایدلیوب بلکه اجسام غیر محدود اولهرق تصور ایدیور دیک اولور .

زمانه کلنجه زمان ادراک اولور؛ فقط تعریف اولنه ماز . مکان اجسامک ساحه ثبوتی اولدینی کی زمانده حادثاتک ساحه توالیسیدر . زمان اولسه بر حادثهک حادثه اخرایه تقدیمی یا خود آندن تأخیری و بوتقدم و تأخرک نتیجه سی اولهرق حادثاتک توالیسی ، تعینی ممکن اوله ماز ایدی . دها طوغروسی حادثاتک باعتبار الظهور یکدیگرندن تمیزلرینه مدار اولان زمانک فقدانی ملاسسه سیله بزه توالی حادثات فکرینی ویرن فرق ، ادراک ماهیتی مستحیل بر جمعه منقلب اولور و بالنتیجه عالمده هیچ بر حادثهک ثبوتی ممکن اوله ماز ایدی . اجزای زمانک شیرازه سی بزده کی قوه حافظه در . او قوت اولسه اجزای زمان پریشان اولور ، دماغزده زمان فکرنندن اثر قالمز ایدی . انسان کندیسندکی استمراری حادثاتک توالیسندن منزع بر فکر تقدم و تأخرله آناته تقسیم ایتش و او استمرار مطلق ایچون اطوار مختلفه اثبات ایدرهک بونلره ماضی ، حال و استقبال دیمشدر . حافظهک فقدانی تقدیرنده بواج طور ، طور واحده منقلب اولهرق ازله ابد برله شیر ایدی .

انسان نفسنده کی استمرار اوزرینه مرتب حادثاتک توالیسی و بوتوالینک لازم غیر مفارقی اولان تقدم و تأخیری قوه حافظه سنک اعانه سیله جزم و ذهنده بر زمان فکری حاصل ایدر . بو فکرینی عالم خارجی به تشمیل ایدرهک آنی ظرف زمانده مظروف کوریرر . قلاق زمان ایچون ازلیت الهیه دن عبارتدر دیمشدر . «لاینبیچ» که اعتقادینه کوره زمان حادثاتک توالیسندن بشقه برشی دکادر . «قانت» که زمان حقنده کی فکرینی یوقاریده سویلش ایدک . زمان حقنده اجرا ایدیلن تحلیللات و تدقیقاتک هیچ بری صدره شفا ویره جک بر ماهیتی حائر دکادر . زمان و مکان کی شیلرک تعریفی هرکسک آنلر حقنده حاصل ایلدیکی فکره بشقه برشی علاوه اتمز .

بو حقایقک نقاب استتارینی رفع ایتک عقلک اقتداری خارجنده در . چونکه آنلر اسرار غامضه الهیه دندر . عقلک آنلره تقریبی حقیقتده آنلردن تباعدندن بشقه برشی دکادر . آنلر کولکه کی دائماً تعقیب ایدندن قاجارلر . بو کی مسائل معضلهک تدقیقاتنه کیریشلر عقللریله آنلرک آره سنه وضع اولنان حدود اشارتلینی بیلملیدرلر . آندن اوته سنه آت سورمهک قالششمق خبیت و خسران ایله کری دونمکدن ، یا خود عناد و اصراره قربان اولمقندن بشقه بر نتیجه ویرمز .

فرید

بعد مجرد کلنجه اکا دائر سوز سویلینلرده شویله دیورلر : بعد مجرد کافه اجسامی حاوی اولمق اوزره تصور ایدیلن بر امتداد غیر محدوددر . حکمادن بعضیلری بونک غدم نحض ، بعضیلری ده بر جوهر اولدینغی ده ادعا ایدیورلر . حتی «نیوتون» ایله «قلاق» بعد مجرد صفات الهیه دن ایکی صفت نظریله باقشیلردر . بعد مجرد تصویری بزم ایچون ضروریدر . چونکه بر اجسامی امتداددن عاری اولهرق تصور ایدمه مدیکمز کی بر محلدن محل اخره قابل انتقال اولمقندن بشقه بر صورته ده تصور ایدمه میز . بو ضرورت عقلیه اجسام ایله برابر برده بعد مجرد تصویری استلزام ایدر .

فقط بو ضرورت ادراکک ماهیتندن متولد و انفسی احوال جمله سندندر . بعد مجردک بو وجهله تصور اضطراریسی انک خارجه وجود حقیقیله اتصافی استلزام اتمز . نتکیم «قانت» دیمشدرکه : اجسام ایله برابر زمان و مکان تصویری بنیه ادراکک ایجابات ضروریه سندندر . بزم بو تصور من آنلرک وجود خارجیلرینی مستلزم دکادر . عقل و ادراکک بشقه بر صورته یارادلمش اولایدی احتمالکه بو حقیقتلر بزه قارشو بشقه بر ماهیتده تجلی ایدر ایدی .

بعد مجرد فکری ایجه تحلیل ایدیله جک اولورسه بزم اجسام خارجنده بر موجود حقیقی تصور ایتیبوب بلکه موضوعلرندن خارج بر امتداد ، بر انتقال تصور ایتدیگمز تحقق ایدر . بوده بر «نزاع» دن بشقه برشی دکادر . شو حاله نظراً عالم طبیعتده کی اجسامک انعدامیله بعد مجردک انعدامی فرض اولنه میه جغنی ادعا ایتک طوغری اوله ماز ؛ زیرا اجسام اولمیسیدی بزم نه امتداد ، نه ده بعد مجرد تصور ایدمه من ایدک . اگر - اجسامی ادراکک نتیجه سی اولهرق - امتداد و بعد مجرد مفهومیلرینی ادراک ایلدکدن صکره اجسام منعدم اولایدی فی الحقیقه ذهمنزده بر امتداد ، بر بعد مجرد فکری قابل ایدی . فقط بو فکر آنلرک خارجه وجود حقیقیله اتصافلرینی استلزام اتمز ایدی . چونکه نفس ایله قائم اولان بر مفهومک ذهنده استمراری مدلولنک وجود خارجیسینی مستلزم دکادر .

«ده موقریت» ایله «هپیکور» عالمده ماده ایله خلادن عبارت اولمق اوزره ایکی اصلک وجودینه قائل اولمشلر ایدی . «افلاطون» ماده ایله بعد مجرد شئی واحد نظریله باقار ایدی . «ارسطو» بعد مجرد سمانک منتهای حدودیدریمش . «ده قارت» بعد مجردله امتدادی یکدیگرندن تفریق ایتیهک یالکمز خلایی انکار ایتمشدر . «اسپینوزا» امتداد جوهر مطلقک ایکی صفت اصلیه سندن بریدر دیش و بعد مجردله امتداده شئی واحد نظریله باقشدر .

بعد مجردک ماهیتنه کلنجه بعد مجرد بر موجود حقیقی اولمق شویله طورسون ، حتی امتداد کی اجسامک بر خاصه سی بیله دکادر . بعد مجرد اجسامت «امکان وجود» لریدر .